

左恪靖侯奏稿初編

恪靖奏稿初編卷三十六目錄

陳明籌撥鹽課銀兩批解京餉摺

鹽商欠款設措賠完請開復原資摺

鹽務各賠課銀兩分別請豁摺

民欠坵折普育吸引各款懇一體豁免摺

閩省吏事需才請飭署藩司久任經理摺

陳請停止閩省武職捐例片

調回親兵隨征并分辦各土匪大致就緒摺

停止勸捐運本陳報收捐銀數摺

陳明鑄撥鹽課銀兩批解京餉摺

奏爲籌撥鹽課銀兩批解京餉恭祈

聖鑒事竊准戶部咨奉

上諭戶部奏請飭催各省趕解京餉一摺上年戶部

奏撥本年京餉銀兩福建鹽課銀六萬兩著該督撫等
按照該部指撥數目務於年內如數解到毋得飾詞延
久致悞要需等因欽此茲據鹽法道吳大廷詳稱閩省
鹽務改行票運課釐並抽初屆所收票課銀兩

奏銷冊報除解給奉部指撥本省兵餉及解司武職養

廉道庫額支俸廉役食等項支用外僅餘課銀一萬四
千兩零不敷支解惟查奉文指撥鹽課撥充京餉銀六
萬兩京餉攸關自應設法籌解以濟要需茲經籌動微
存各年分正課銀二萬兩作為奉撥同治五年分京餉
委令廈防同知馬珍承領解送仍由西商滙兌進京支
取赴部投納其餘銀四萬兩容再籌款另行委員解送
具文謹請

奏明循案分咨辦理併請核給咨文發道以便發交該
委員馬珍領解飭取起程日期詳咨至此項京餉係奉

文指撥鹽課向無隨徵加平飯食等銀合併聲明等情
前來除核給咨文發交承領起程並嚴飭該道再將餘
銀續籌報解外臣謹會同福建撫臣徐宗幹合詞恭摺
具

奏伏乞

皇太后

皇上聖鑒謹

奏

同治五年十月初十日

監商久款設折賠完請開復原資摺

奏爲監商久款現據設折賠完請

旨開復原資恭摺奏祈

聖鑒事竊查永德田南幫原商林康成並其子舉人林炳珪林炳垣相繼接充因欠課停運於咸豐七年間經前督臣王懿德奏咨將該舉人等斥革提追押辦奉到硃批均著一併斥革欽此欽遵轉行追繳在案因該商幫地處遺匪擾辦運無資自同治元年爲始由道委員領本代商辦理計截至咸豐十一年底止永春一州德

化大田南安三縣年額共應完正溢課雜等銀一千二百八十一兩六錢三分三釐除已人十年正課九年溢課案內核數造完外該商名下計其欠完正溢課及帶輸等銀四千七百三十九兩七錢四分七釐又未完各年府稅銀九百七十八兩六錢一分其計積欠課雜銀五千七百一十八兩三錢五分七釐節飭催追未據完繳歷年委員代商辦運亦無起色迨同治四年改行票運始著成效是該舉人林炳珪林炳垣辦完疲敝幫地致呈吏議情殊可憫現經鹽法道吳大廷催據該商竭

力措貸賠繳課銀二千三百四十二兩八錢四釐已撥
完各項正盜課帶輸項下造報外計尙欠完正盜課銀
二千三百九十六兩九錢四分三釐府稅銀九百七十
八兩六錢一分據稱家實寒微力難再行賠繳該商名
下尙有積存未運存引稟請抵繳到道經吳大廷細加
訪察委屬實情並查該商久未辦運既尙有未運存引
五萬一千五百七十九扣餘之多合計成本尙值銀七
千七百三十餘兩是此項欠課實與官幫缺銷悉賠無
異既據竭力設措現銀賠繳並有存引可以抵銷可否

將其原革舉人謹請奏咨開復前來臣等復查該商林康成自舉充承德田南幫鹽商歷年賠累已至傾家後因幫地遭匪停運積欠課雜等款坐視兩子

妻革功名實屬因公賠累現據林炳珪等將應完課款勉措賠完餘欠僅剩銀三千二百餘兩由該道查明確有存引五萬一千百餘担可以抵繳情實可原合無仰懇

天恩俯准將原革道光庚子科舉人林炳珪道光癸卯科舉人林炳垣一併開復免其追賠以示矜全之處出

自

聖慈除將未運陳引悉數繳還歸於繳殘案內報部核銷並咨吏戶禮三部查照外

臣

等謹合詞恭摺具陳

伏乞

皇太后

皇上聖鑒敕部查照施行

奏

同治五年十月初十日

鹽務各員賠課銀兩分別請豁摺

奏爲聞省官辦鹽務各員欠完缺銷賠課銀兩分別已故參革等項人員彙繕清單恭摺

奏祈

聖鑒事竊准部咨咸豐十一年十月初九日欽奉

恩詔內開一名旗籍內務府並五旗色衣人等凡侵貪挪移一切賠罰應追銀兩實係本人家產盡絕查明准予豁免其分賠代賠以及牽連著賠者一概豁免一凡官員因公罰賠等項而其孫子又代祖父著賠者查明

部免一其營官兵有因出征及被災借支俸餉者免其扣還欽此經部臣題覆奉

旨准行並查部咨以次恭逢

恩詔有應本人家產盡絕取結准豁者有應查因公賠罰並牽連著賠一概准免者凡定案在奉本年十月初九日

頒詔以前者均應查明一律辦理再道光三十年豁免案內尚有已奏未結已辦未奏之款應歸入此次豁免案內一併辦理嗣復接准部議條款一缺銷墮煎短微

鹽課按任分賠者其現在有官之員查明實係家產盡
絕方准豁免無官之員卽予豁免等因臣查閩省官辦
鹽務各廳縣場多處下游非地濱海島卽迫近場窳以
致私梟充斥官引滯銷承辦之員無不駸賠課款致積
欠甚鉅無可追繳其缺銷賠項既欽奉

恩詔准部臣自行查辦應卽釐查核實造報茲查閩省
欠完缺銷鹽課各員除現在閩省有官有缺並丁憂告
病告假及改省等項均係有官之員仍應按員查追不
准請免外其已經病故並叅革未經開復者共計一百

零六員又已故叅革已經離闕其四員截至已入奏銷
照咸豐九年正課止欠完課雜各款核與豁免條款相
符查明數目分造清冊又道光三十年欽奉

恩詔案內前經造報請免飭查聲覆未奉准免茲查已
經病故併叅革未經開復兩項計其一百零一員又已
故叅革已經離闕計其五員所有欠完課雜各款相應
一併開報請豁以廣

皇仁據署福建布政司周開錫鹽法道吳大廷分造各
員欠完銀款數冊並開具清摺謹請

奏咨前來除將各員欠完年款銀數清冊咨送戶部查
覆外臣謹會同福建撫臣徐宗幹合詞恭摺具
奏並繕簡明清單恭

御覽伏乞

皇太后

皇上聖鑒敕部覈復施行謹

奏同治五年十月初十日

民欠坵折普育賑引各款懇一體豁免摺

奏爲閩省下游各屬欠完坵折並隨徵普育及賑引價銀查明確數彙繕清單恭摺

奏祈

聖鑒事竊准部咨同治元年六月十八日議政王軍機大臣奉

上諭戶部奏遵議直隸河南民欠漕項請予豁免一摺直隸河南省咸豐九年以前民欠漕糧雜項前經文煜鄭元善先後奏請豁免當交戶部議奏茲據奏稱核與

辦過成案相符所有咸豐九年以前直隸等省民欠出借倉糧材種口糧牛具漕項蠶課學租雜稅等項准其隨同錢糧一律豁免卽舊文塏鄭元善查明實在民欠之項查照辦理毋任稍有弊混其因災緩徵九年以前漕糧並民欠未完常漕倉穀著一併豁免以紓民力該督撫卽刊刻謄黃通行曉諭務使實惠均霑毋任吏胥舞弊用副朝廷軫念民依至意餘依議欽此欽遵轉行到閩當經敬謹謄黃宣宗並頒發各府州縣一體欽遵通行曉諭在案茲查閩省濱海產鹽之區頻年應需近

課鹽折二項與地丁一體徵收由各縣場批解鹽法道庫歸於正課

奏銷間有民欠未完卽於

奏銷冊內據實開列造報又普育一欸係隨同坵折正項徵輸撥充本省普濟養育兩堂經費與地丁之耗羨相似又興化府屬之莆田縣年額應徵贖引價一欸原係附海竈戶應辦鹽斤交商支配嗣因辦納鹽斤不前折價交商聽自行買鹽配運於雍正元年裁商停引此項贖引銀兩亦卽豁免除至雍正五年復據莆田場附

海各竈戶具呈仍行照納販引價銀由莆田縣徵解道
庫歸入長價項下遞年彙同雜項造冊

奏銷係屬鹽務中之雜款錢糧道光十五年二十五年
及咸豐元年三次欽奉

恩旨豁免積年民欠均經各前督臣將道光二十九年
以前各縣場民竈積欠坵課鹽折並隨徵普育及販引
價名銀兩奏蒙

聖恩全行豁免此次欽奉

恩旨蠲免積逋所有道光二十九年以後民竈積欠坵

課鹽折並隨徵曾育及駁引價各銀兩自應一体查辦
飭世署福建布政周開鑄鹽法道吳大廷就存道案冊
按年按欵詳細確查計自前道光三十年起至咸豐九
年止實在民竈積欠未完坵課鹽折銀一十萬七百一
十三兩四錢二分一釐七毫八絲又隨徵曾育銀一千
一百一十二兩九錢七分七釐八毫八絲又駁引價銀
五千三百七十一兩一錢九分造具細冊謹請覈
奏前來臣查坵折曾育駁引各欵均係徵自民間與地
丁錢糧耗羨雜稅無異倘蒙

恩准一體豁免仍當嚴飭該管道府澈底詳查如在
奉

旨以後文到以前已據各花戶輸納在官者即查明已
輸銀數照例作爲次年正額其未奉

恩旨以前徵存屬庫未經解道之項仍按數提解報撥
以杜胥役侵欺之弊除開省積年民欠正雜錢糧業經
查明

奏報並將各縣場民竈積欠數目分別年款縣場另行
造冊咨送戶部查核外所有開省積欠坵折實青及城

引價等欸銀數臣謹會同福建撫臣徐宗幹合詞恭摺具

奏並繕簡明清單敬呈

御覽伏乞

皇太后

皇上聖鑒訓示謹

奏

同治五年十月初十日

謹將福建省各縣場民籠自道光三十年起至咸豐九年止積欠坵折膏育及販引價等欸銀數繕具清單恭

呈

御覽

一道光三十年分坵折銀七千三百五十六兩六錢七分六釐六毫

隨徵會育銀一百三兩九分三釐

販引價銀五百三十七兩一錢一分九釐

一咸豐元年分坵折銀八千三百八十二兩七錢八分六釐八毫

隨徵會育銀一百六兩八錢六分五釐七毫販引價銀

五百三十七兩一錢一分九釐

一咸豐二年分坵折銀一萬二千四百八十三兩五錢九分七釐八毫

隨徵督育銀一百二十六兩三錢七分一釐提上敗引價銀五百三十七兩一錢一分九釐

一咸豐三年分坵折銀一萬三千二百三十兩五錢七分三釐八毫

隨徵督育銀一百二十九兩三錢一分九釐八毫
敗引價銀五百三十七兩一錢一分九釐

一咸豐四年分坵折銀一萬六百二兩六錢三分一釐
四毫

隨徵膏育銀一百一十三兩八錢一分二釐五毫

賊引價銀五百三十七兩一錢一分九釐

一咸豐五年分坵折銀九千一百七十七兩五錢六分
九釐四毫八絲

隨徵膏育銀九十八兩三錢八毫八絲

賊引價銀五百三十七兩一錢一分九釐

一咸豐六年分坵折銀一萬四百四十七兩九錢九分

三釐八毫

隨徵晉育銀一百一十三兩八錢五分五釐

賁引價銀五百三十七兩一錢一分九釐

一咸豐七年分坵折銀九千四百八十九兩一錢九分

五釐五毫

隨徵晉育銀一百六十兩四錢一分八釐

賁引價銀五百三十七兩一錢一分九釐

一咸豐八年分坵折銀九千七百五十三兩七錢八分

九釐八毫

隨徵晉育銀一百四兩七錢八分六釐

賁引價銀五百三十七兩一錢一分九釐

一咸豐九年分坵折銀九千七百八十八兩六錢六釐八毫

隨徵晉育銀一百一十兩一錢五分六釐

賁引價銀五百三十七兩一錢一分九釐

以上統共積欠坵折隨徵晉育及賁引價銀一十萬七千一百九十七兩五錢八分九釐六毫六絲

閩省吏事需才請飭署藩司久任經理摺

奏爲閩省治事需才請

飭署藩司久於署任一手經理以重地方事竊閩省步
治軍政頽廢已久所有困敝情形業經臣於同治四年
正月延平行營憑陳

聖鑒嗣奏調浙江督糧道周開錫及道員吳大廷來閩
辦理蒙

恩允行吳大廷旋奉

恩旨補授福建鹽道任事一年成效大著鹽務徵辦實

銀四十餘萬鹽釐牙帖尙二十萬兩不但遠過從前報解虛收虛抵之數並較歷來定額徵收之數亦且多至一倍有餘疊經據實陳明亮蒙

聖鑒茲查周開錫自同治四年三月來閩辦理釐務新章八月底奏委署理藩篆截至本年八月初八日止一年期滿分欸比較同治三年徵收數目周開錫任事後徵收數目謹逐一據實按欸詳陳仰祈

聖慈鑒察一司庫進欸除攤指各欸並搭收司印等票不計外周開錫任內實收地丁耗羨耗米稅契驛站等

款其實銀六十二萬五千四百二十三兩零比較同治
三年九月起至四年八月二十八日一年止收銀三十
三萬九千七百八兩零計長收銀二十八萬五千七百
一十四兩有奇稅釐一欸自同治四年三月釐定新章
周開錫接辦起至十二月止連閏計十一個月其收銀
二百二十二萬五千二百二十兩零比較同治三年分
收銀一百二十九萬二千九百五十四兩零計長收銀
九十三萬二千二百六十六兩有奇又自本年正月起
起至七月底止計七個月其收各項稅釐銀一百六十

二萬九千四百八十六兩零比較三年分征收數目已
長收銀三十三萬六千五百三十二兩零通計自周開
錫接辦稅旆署理藩篆以來比較已革藩司張銓慶任
內共長收銀一百九十一萬五千二百七十兩有奇一
細一臚事理昭著始時閩人或疑其取民已悉近見商
安於市而農安於疇無異議也始聞閩官或疑其撻之
太急近見其家無私蓄而庫有餘財無異議也該道屬
開錫廿餘年前從_臣讀書湘中頗能刻苦立志爲有用
之學自咸豐二年粵寇犯湖南_臣先後入撫_臣張亮基

喻秉章幕襄理軍務周開錫時以兵事餉事來相啓告
胡林翼言聞其才調之入鄂積功保知縣試治沔陽州
有能聲旋以軍功保擢知府李續宜曾國藩亟共賞之
迨臣入浙閩辦軍務周開錫以誼不避難辭曾國藩入
浙從臣衢州臣奏署温州府事兼署溫處處道蒙
恩補授温州知府旋

拉補浙江督糧道適臣入閩督辦軍務奏調赴閩差遣
茲蒙

恩旨開其浙江糧道缺調補福建延建邵道臣維該員

守潔才長實爲濟時之選不獨籌餉一事爲所優長卽
更事兵事亦頗能見其大 臣 前與撫 臣 徐宗幹熟商現
在福建時政以裁陋規停攤捐籌津貼定兵制爲恤民
恤吏恤兵之要造船船兼造師船爲緝海盜之要栽種
桑柿廣布帛之利爲民生之要已飭該道次第經理兩
有端緒接替殊難其人新接布政使鄧廷枏人本廉謹
惟才識實欠開展已據該司於臬司任內稟請病假兩
月縱令病能速痊亦斷不勝藩司重任此固英桂徐宗
幹所稔知者道員中如吳大廷又因臺灣海疆要缺需

才

奏請調補先赴署任此外司道各員或甫經外任或未
習吏事不敢冒昧擬委臣現定本月十七日交卸督篆
回顧閩事成效難期心殊惘惘合無仰懇

天恩仍令周開錫署理福建藩司俾得盡其設施庶於
閩事大有裨益如蒙

俞允鄧廷枏可否請

旨飭令病痊後赴部引

見出自

聖裁再留周開錫仍署臬司撫臣與臣意見相同惟撫臣自前月二十八日起忽患脾泄等症日間增劇未及會銜合併聲明伏乞

皇太后

皇上聖鑒訓示施行謹

奏同治五年十月十二日

陳請停止閩省武職捐例片

再閩省營務積弊甚於他省推原其故由武營捐班太多流品混雜勢豪策名右職藉爲護符劣弁巧獵升階

專爲牟利一旦資緣得缺竟敢靡惡不爲現在稍示區別報捐者亦漸少於前卽此可知從前報捐之多實爲軍政之害所有閩省捐納武職各員弁應一律送部引見其未引

見者概不准收標委者至捐例原爲籌餉起見武職官階捐納例銀本屬無多除福建一省外各道省報捐武職者甚屬寥寥實亦得不償失應請

旨勅部將報捐武職一條永遠停止以杜貪競而肅軍政臣愚昧之見是否有當謹附片具

奏伏乞

聖鑒施行謹

奏
同治五年十月十二日

調回親兵隨征並分辦各土匪大致就緒摺

奏爲補治興化土匪事竣調回親兵隨同西征並各軍
分辦各屬土匪大致就緒恭摺奏祈

聖鑒事竊臣宗棠前派幫辦營務留浙同知虞紹南督

帶親兵駐紮興化會同總兵前桂林副將楊在元等勘
辦土匪業經兩次彙報在案昨紹南簡桂林等捕治九
里洋土匪後虞紹南移駐仙遊沙園鄉楊在元移辦莆
田泗洋鄉布政使王德榜亦分營搜捕莆田之前范仙
遊之楓亭各村土匪陸續捕獲講尾村匪首陳鳳榮十

卽陳添八營溪匪首羅十八卽羅彥蓋尾村匪首蕭日
坂頭村匪首陳粗壘西遊村匪首林清卽林拐脚寶樹
村匪首王五下畚村匪首郭漲郭染東蔡村匪首蕭光
演蕭安泗洋匪首官卅六卽官濂官六一卽官濶官八
七卽官塘前范匪首王必林開裕九里洋匪首蔡得金
五又擄獲三匪蔡樹郭下問姝關虎秋李狗玓楊大姝
三黃青卽卽黃在林俊卽楊俊郭盛陳甌陳進芳余春
生吳九妹黃劉鎮黃拐脚烏劉嵌頭十二蔡阿四卽光
弁四蔡訪謝珍生徐春蔡回頭牛劉成發歐江口仔許

青盲卽許嘉戴陽春戴紅鼻毛王記戴旺孫李申生李
老池鄭裕張客烏林陳鳳十九吳占陳青盲卽陳地王
狗冬季尾黃拐腳六四黃烏擊方錯歐謝卽陳尾卽陳
日高黃狗毛黃細鏞鼠許四哥陳發謝梓蘇彩鄭粗壘
鄭三毛蔡全黃哥三蔡針慶陳六妹毛王楚泛歐臭頭
尾卽李吁黃松李世尾鄭眉李樹卽湯隴卽湯二十一
何雞三黃後門五林滿十丁煖一黃世羅許光蔡路四
蔡開王了頭詹土興李雅卽劉南平黃慶眉黃樹卽姚
矮古裕黃眉吳玖琳鄭進鄭吟卽鄭嚴李新卽陳尙楊

謂黃漢李金陳狗齊李詠林元五官地生官二十九卽
官用官寒吁官堂官特官五三卽官滔黃秋九方大頭
卽方幅李瑞鳳林眼林烏獅林四黃元文李武秀蕭元
梓林穀清陳永標陳雲秀鄭地黃墩陳兵翁山蔡波黃
紅九連淑林東平黃烏鴉兵嚴粗燕烏李葉陳齊李振
侯薛蒔薛善振程秋潘立陳溪要柯恭劉欄花王湧薛
傳蘇粗洪巡生張廣朱旺卽李旺陳幅鍵朱添益卽朱
王爺還朱湘朱伯猴朱阿痞蔡三鄭稻蔡阿口黃慢黃
懷謝眉黃滿卽黃怨李珠林好柯潭等一百四十六名

均供認搶劫械鬪禁重情兇惡昭著內並有從逆據
掠拒捕戕勇入署劫犯掘家強姦等重犯當飭訊明分
別斬梟以伸

國法莆田縣知縣黃道傳捕獲迭次擄禁男婦多名之
著匪林粗洪刊書匿案庇縱當經該縣稟請將該書吏
翁發從重懲辦詎明林粗洪所犯罪狀卽批飭就地正
法其餘情罪較輕之趙遮郎等一百廿餘名分別監禁
鎖礮刑責保釋興化所屬著匪漏網者百無一二一郡
肅清此興化治匪事竣情形也簡桂林移師而北會同

署福建府知府丁嘉璋等按治閩縣尙幹墩土匪楊在
元繼至捕獲匪首林五二林正粵材道如林道與卽白
乃林國亮等五名著匪林紅妹林道鹹林呢弟林道鑑
林番薯粿林雁二林嫩林長謀林發舒地尾時林二二
材日照等十二名均訊明正法並獲林道輩等十六名
分別擬辦王德榜續獲惠安著匪何闊何扶生蕭三妹
高權何庵卽何廢連沅興何二九柯魁柯屈吳青棍陳
添水何嶠吳亨吳番庸吳二方張山張熾何獻何繁莊
圍黃板何產莊遺先王九葉等二十四名均訊明斬之

其餘莊匪等三十名發縣研訊定擬委員候補縣丞秦維榕獲晉江縣轄著匪陳挪卽陳坦署同安縣知縣白冠王捕獲拒捕傷勇之著名匪首蘇縣並獲從賊攻城之髮逆僞前營丞相洪甜安溪縣知縣羅運端獲五里舖著匪王井李針二名署德化縣知縣獲迭次搶劫之張五署漳州鎮總兵楊和貴獲從逆攻城之漳浦逆匪陳梓及著匪林倣道員朱明亮獲詔安著匪胡浩然暨永定著匪盧貴隴盧昭喜廖肇周曾元亨曾友幅等五名留浙知府張樹葵獲安嵐角著匪彭鴻高署建甯

左營遊擊朱光斗獲著匪章魁署南平縣知縣馬騰
獲劫殺事主巨匪周土元順昌縣知縣陳星聚獲拒捕
著匪林春黃河五二名均訊明誅治分別梟示以昭炯
戒汀州寧化一帶經總兵張福齊分軍按治餘匪有逃
避江西石城縣境者張福齊已派隊越境搜緝尙未續
接稟報其前在淮土水東捕獲尙未訊辦之劉賢在劉
成斌劉成雍羅家連羅家春廖開顯黃日成黃洋寶黃
良伐李興順等十名及清流會匪葉淦淙曾太養吳寶
沅等三名現飭該縣知縣確審分別擬辦此各屬治匪

情形也伏查閩省山海交錯盜賊充斥由來已久自經
此次勘辦著名首要匪犯擒戮殆盡而後強暴稍知畏
法良懦得以相安除福寧臺灣二府未暇一時併辦現
飭地方文武認真整理兼分駐勁勇以資鎮壓外所有
上下游各屬辦理物已就緒臣宗棠十七日交卸督篆
後尅期啓程當飭虞紹南帶親兵回省嚴裝啓行並仍
酌留楚軍勇丁數千人分布各郡縣爲建威銷萌之計
庶可無虞伏莽永靖澆風擬保知府銜花翎留浙補用
同知虞紹南治軍嚴整決獄廉明迭次督隊剿匪躬督

矢石錄四五百人苦心分明無枉無縱與化士民爭
歌頌之其治匪之功實爲各軍之冠合無懇

恩破格優獎將該員處紹南免補同知以知府仍留浙
江遇缺儘先補用以示鼓勵其餘尤爲出力各員弁容
卽查明彙案遵保臣等謹合詞恭摺馳

奏伏乞

皇太后

皇上聖鑒訓示施行謹

奏

同治五年十月十六日

停止勸捐運本陳報收捐銀數摺

奏爲停止勸捐運本所有收捐銀數恭摺

奏報仰祈

聖鑒事竊閩省從前商辦餉銀運額經前督臣慶端

奏明招舉殷商接充並勸捐運本設籌辦理奉准部覆
行令援照前辦運本成案勸捐按照舊餉常例分別請
獎等因當經行據前司道會議議將所捐銀兩接照舊
餉新例及常例所職實銀以七二折核算請獎札飭委
員馳赴各屬會同府縣查訪殷戶勸導認捐陸續解繳

緣官運委員辦額已多經前督臣慶端督同前護鹽法
道劉翊宸議令殷實現商領本加額認辦一面另招販
戶接認所領運本查照前章三年後分作五年勻還會
據現商李玉成吳玉全何桂芳何允升黃豐豐販戶杜
春輝高美全李金全魏萬全徐鼎和郭成亨等先後指
明幫地具結領本認辦其餘縣額未經招足致未傳捐
迫臣左宗棠抵任查悉閩省鹽務積弊並訪聞勸捐運
本一事初尙擇上等殷戶情願輸則中下之戶亦勒派
捐繳甚至盤提押追難保別無需索實屬有累商民無

神

國課當飭速予停止並飭將捐戶花名銀數分飭各府縣截數催繳造報去後茲計自咸豐十年開捐起截至停捐止查明共捐銀一十六萬六千七百六十二兩八分內除各戶欠繳銀一萬一千一百三十二兩二錢三分現已截止另行辦理外所有已繳銀共一十五萬五千六百二十九兩八錢五分內已繳道庫並解司庫及由司移抵道庫應解兵餉共銀一十五萬四千四百四兩二錢八分尚有各屬收繳未經批解銀五千二百二十五

兩五錢七分據署福建布政司周開錫鹽法道吳大廷
查開數目謹請

奏咨前來除咨戶部查照並飭該道將各捐戶未繳並
各屬已收未解銀兩飭催趕繳歸款並將已繳各戶應
得獎叙官職飭開履歷送道移司彙案謹請

奏辦外合將勸捐運本已經截數緣由謹合詞恭摺具
奏伏乞

皇太后

皇上聖鑒敕部查照施行謹

奏
同治五年十月十六日

恪靖奏稿初編卷三十七目錄

給兵司票請改動盤收買捐

統擬暫停借給兵丁穀價銀兩片

請將金門鎮總兵改爲副將摺

恭報交卸尅期啓行並留軍駐鎮上下游摺

陳明通籌閩省綠營兵額餉項摺

給兵司票請改動釐收買捐

奏爲聞省搭給兵餉之司印銀票請改動釐金收買停止搭解稅雜等故恭摺奏祈

聖鑒事竊照聞省前因軍用浩繁錢糧登奉蠲緩隣省協餉又多欠解常年兵餉積欠甚鉅當經

奏請將同治四年夏季以前舊欠兵餉全數發給司印票銀款季以後仍照舊以五成銀票搭放所發司票請准搭收稅雜捐輸各款造報嗣准部咨應另設捐輸兵餉司票仍隨時體察如果司庫漸充卽改復舊制至從

前欠餉既經全放司印銀票則從前所撥外省欠協內
長餘若干本省地下鹽課等款欠發內長餘若干報部
備查等因並先據署藩司周開錫具稟前項餉票近因
各屬稅雜捐輸等款搭繳無多頗形壅滯因與各營將
領商議照民間時價每百兩折銀四兩提動盤金款項
收回截銷前請搭繳稅雜捐輸之處請自本年三月初
八日起概行停止等由當查所稟係爲慎重庫款起見
應准照行批行遵辦在案旋准部咨前因復經轉行遵
照去後茲接該署藩司周開錫詳稱查外標各營自咸

豐九年起至同治四年三月止給過兵餉五成司票一百二十三萬九千八百八十七兩四錢同治四年四月止給過舊欠全餉司票二十三萬一千一百四十六兩同治四年秋季以後給過新餉並臺澎各營同治四年餉廉五成司票二十四萬二千二百五十八兩其自咸豐九年池漣至同治五年三月初八日止各屬搭完稅雜及捐輸各款共收回司票一百三十一萬一千三百四十七兩九錢三月初八日起截至八月底止由軍需局提動撥金款項共收回司票二十萬三千三百二十

三兩五錢所有從前收支數目按年均於察盤案內造報有案至所發司票續經請由司庫折收截角抹銷所有奉部議設票捐自可毋庸舉辦至遞年鄰省欠解餉及本省地丁鹽課等款欠發內尙應長餘各若干容另行查明造報等情臣等覆查無異餘咨戶部查照外謹合詞恭摺具

奏伏乞

皇太后

皇上聖鑒訓示施行謹

奏 同治五年十月十六日

統擬暫停借給兵丁穀價銀兩片

再閩省水陸提鎮各營每年青黃不濟之時實每名借給穀價銀或一兩或數錢不等以資零糴食用仍於當年秋冬季餉內均扣歸還例由提督臣衙門代奏歷經循照辦理現因籌定裁兵增餉章程稽核各營欠餉知此項穀價自司庫支絀俸餉愆期率多有借無還營庫早以籌款爲累並有借領後出師亡故或開革名糧無可追扣欸成無着者亦有因公挪用者現因同治四年

夏季以前欠餉全給司印票銀其無銀可扣者虧短尤多以後勢必無款展借查陸路提標六營已據署提臣羅大春咨報本年因款已無着並未出借聲請

奏明暫停借給其水師提標五營前本在厦防廳庫房租項下動撥因無款改由藩庫籌借查自同治元年以後亦因無款復停借給其汀州鎮於咸豐七年漳州鎮於咸豐三年均因被匪將原存穀價搶失無存雖經攤賠攤補迄未歸款早經停借卽福甯金門海壇南澳建甯各鎮亦與陸提六營情形相同是每年雖有借給之

名在特員則須多方籌措在各兵實亦獲借無多且借
僅兩月卽須隨餉扣還仍於兵艱無濟茲擬減兵增餉
計各兵已可無虞缺乏所有此項借給穀價現已分別
咨行統擬暫停借給一面卽按營查明扣回實存銀穀
若干無可追扣若干已借可扣若干因公動墊應歸司
庫移還若干分晰造冊清釐俟款歸有着再行循例辦
理以昭核實除分咨戶兵二部外臣謹據實附片具
奏伏乞

聖鑒訓示謹

奏

同治五年十月十六日

請將金門鎮總兵改爲副將摺

奏爲請將福建金門鎮總兵改爲副將仍駐金門歸水師提督專轄恭摺奏祈

聖鑒事竊照閩省海疆重地當臺灣未附之初洋防至爲喫重故於順治初廈門設水師提督親標五營又於同安之金門設總兵一員自南迄北則有南澳鎮左營銅山營自北而南則有烽火營福甯左營海壇鎮閩安協分駐巡防聲勢聯絡而陸路提督及漳州鎮距廈門東北及西面均不過二百里水陸四百里中雨提四鎮

星羅碁布所以控制臺灣設犄角而壯聲勢也臺灣設鎮後二百餘年兵制相沿未改情形今昔迥殊有宜因時變通未可拘執成例者查臺灣重鎮額兵一萬四千餘名北路副將駐漳化水師副將駐安平而澎湖一協尤爲東南來往咽喉之地臺防本極周密內地沿海各鎮除海壇南澳二鎮距廈門稍遠應照舊制分駐巡防外其金門一鎮與水師提督同駐同安縣轄地方相距最近自應改爲副將歸水師提督專轄以一事權現當增餉練兵減兵就餉通籌營制之際臣與水陸提臣深

思熟計凡汎地遼濶形勢緊要之處兵額未便過裁減
者或酌裁員升爲省官養兵之計水師船汎在在需兵
分布如將金門改鎮爲協則左營遊擊守備各員缺可
一併請裁以所裁廉俸薪乾等銀勻加練兵之餉兵力
較厚而事權歸一於兵制實爲允當准水師提臣李成
謀咨請奏改前來臣查金門鎮雖爲巡查外海水師洋
汎而水師提督實可就近兼顧提臣李成謀親歷全轄
洋面察看情形了然心目議將水提前營游擊移駐銍
口金門鎮標右營移駐涓洲現議酌改金門營制可收

因時制宜之效相應請

旨准將金門鎮改設協鎮副將一員中軍都司一員作
爲專營仍駐金門其前請移駐湄洲之金門右營游擊
守備各員缺亦作爲專營駐劉湄洲均隸水師提標統
轄巡查外海水師洋汛所有金門鎮總兵一員左營游
擊一員守備一員均請

勅部議裁截存廉俸薪乾等銀仍存司庫無庸報撥以
充兵餉餘應行裁改之千把外額暨戰兵守丁名數以
及月請頒發印信鈐記各事宜俟該營另行查議詳咨

辦理外台將前改金門營制緣由謹會同水師提臣李
成謀恭摺具

奏伏乞

皇太后

皇上聖鑒訓示施行謹

奏同治五年十月十六日

恭報交卸尅期啓行並留軍駐鎮上下游摺

奏爲微臣交卸督辦篆務酌帶員弁勇丁尅期啓行並
附留水陸各營分駐閩省上下游以資鎮壓仰祈

聖鑒事竊臣於欽奉

諭旨調督陝甘後卽料理一切準備西行因經手未完
各件均關緊要移交後任一時恐難遽尋端緒臣雖有
可卸之責捫心實覺難安而所部散布各郡捕治土匪
正當治效漸著可期一勞永逸之時遽爾調動亦恐後
此著手不易故不能不稍爲留待也自九月初六日欽

奉

諭旨後晝夜清靜幸已就緒除檄臣標中軍副將楊在元福州知府臣丁嘉璋蒞責督鹽兩篆于本月十七日送交將軍臣英桂兼署臣卽日交卸恭疏具

題外臣卽入營料理軍事戒備戎裝擬於月之下旬率所部三千分起就道由崇安入江西出江西出湖口趨鄂由鄂山襄樊取道入關到鄂時會合劉典所募舊部點驗成營並宜派弁上口採買馬匹到襄境時應辦車馬到西安時宜訓練馬隊車營挑募步隊籌辦軍食均

不能不稍需時日從長集議現在西事緊急既不敢遲
留致悞軍機亦不敢冒昧徑行致貽後悔所有閩省應
奏咨各件遇有需借印拜發者仍借用督印拜發沿途
遇有陳奏事件應卽借用各地方印信拜發抑或用調
補陝甘總督一等恪靖伯行營木質關防拜發應先陳
明至閩省地方甯平尚虞未靖應留所部分駐鎮壓計
省城留駐步隊兩營馬隊一起興化留駐步隊一哨泉
州留駐步隊一營馬隊一起廈門留駐步隊兩哨永春
州留駐步隊一旂漳州留駐步隊兩營一旂詔安平和

永定各留步隊一旂汀州留駐步隊一營光澤留駐步
隊一旂崇安留駐步隊一哨建甯留駐步隊一營順昌
留駐步隊一哨洋口留駐步隊一哨福甯留駐步隊一
營臺灣分駐水師均仍照舊分駐梭巡一俟本省兵制
大定地方秩序隨時酌量裁撤以昭慎重此後

寄諭

批摺懇

敕下兵部由直隸河南湖北江西一帶遞下俾有遵循
不勝感荷之至謹具摺由驛馳

奏伏乞

皇太后

皇上聖鑒訓示施行謹

奏
同治五年十月十六日

陳明通籌閩省綠營兵額餉項摺

奏爲通籌閩省綠營兵額餉項恭摺具陳仰祈

聖鑒事竊臣前因軍政廢弛擬將閩浙各營裁去不可

練之兵四成有餘挑留可練之兵五成有餘加給餉銀

實力訓練縷晰

奏明在案茲臣與陸路提臣羅大春水師提臣李成謀

細加商議馬兵每名月加餉銀七錢連額餉共二兩七

錢步兵每名月加餉銀一兩五分連額餉共二兩二錢

五分守兵每名月加餉一兩四錢連額餉共銀二兩四

錢官馬每匹月給草乾一兩之外加給五錢唯閩省兵
餉無閒之年額估銀一百三十萬一百六十八兩零內
除旗營俸餉銀穀草紅白事等項並綠旗各營米折銀
三十萬二千六百二十七兩零外綠營官兵俸餉公費
眷口紅白事等款應銀十萬九千七百四十兩零
通省額設馬兵一千九十名步兵二萬七千九百七名
守兵三萬二千三百六名官馬一千九十四匹裁減四成
有餘按照新章辦理裁剩之餉仍不敷加給挑留之兵
現擬無論水陸標營一概挑留五成官亦分別酌量裁

減如有泚地緊要應行的增成數者俟核明通省新餉
確數另行核辦其應支新餉俟各營陸續議定章程隨
時起支擬裁員弁署任者卽時裁撤實任者暫時應補
班俟將來水陸各營陸續遷事故缺出分別調補各員應
支俸薪乾廉暫歸軍需項下核銷以免糾纏至部撥餉
項除本省地丁外歷年鹽課指撥十萬或十五萬不等
軍興以來本省地丁除蠲免外只征七分有零鄰省協
餉向無絲毫解到徒有協濟之名並無協濟之實現右
地丁一項極力整頓除帶徵舊賦外四年新賦僅徵五

十餘萬不敷尚鉅查閩省起運運銷兩項茶稅當議辦之始卽經

奏明專款解司留充本省兵餉在案所有不敷銀兩應懇

天恩俯准將本省茶稅照數撥用嗣後毋庸再撥鄰餉以免有名無實鹽課一項仍懇

勅部照常指撥以期士卒飽騰是否有當理合恭摺具奏伏乞

皇太后

皇上聖鑒訓示謹

奏

同治五年十月十六

怡靖奏稿初編卷三十八目錄

詳議創設船政章程購器募匠教習摺

船局事件仍必會銜具陳以昭大信片

鐵船槽多用銀兩擬就續撥關稅內提用片

附陳胡道往來照料聽候差遣片

咨送有裨船政官紳交船政大臣差遣片

恭報西征起程日期摺

附陳劉幫辦親喪服闋片

覆陳業經交卸閩浙督篆情形片

初稿卷三 八 目錄

請撥西征的餉以措危局摺

在浙送保各員陳請仍照原單給獎摺

詳議創設船政章程購器募匠教習摺

奏爲詳議創設船政章程飭洋員回國購器募匠來閩
教習恭摺奏祈

聖鑒事竊臣前議習造輪船曾將應辦情形及請

簡總理船政大臣接管籌發購器募匠銀兩各緣由業
經迭次陳明臣於交卸督鹽兩篆後駐營城外東教場
嚴裝以待洋員之至本月二十三日道員胡光墉偕日
意格德克碑來閩據日意格等稟呈保約條議清摺合
同規約各件業經法國總領事官白來尼印押擔保臣

遂加覆核均尙妥洽所有鐵廠船槽船廠學堂及中外
公廨工匠住屋築基砌岸一切工程經日意格等覓中
外殷商包辦由日核定計共需銀二十四萬餘兩船槽
尤爲通局最要之件應用法國新法購辦鐵板運來船
廠嵌造成槽此外一切局中應用什物由護撫臣周開
錫委員估價日意格德克碑侯廠工估定卽回法國購
買機器輪機鋼鐵等件並購大鐵船槽一具募僱工匠
來閩一面開設學堂延致熟習中外語言文字洋師教
習英法兩國語言文字算法畫法名曰求是堂藝局挑

選本地資性通敏顯悟通文字義子弟入局肄習並採
辦銅鐵木料一俟船廠造成卽先脩造船身庶來年機
器輪機運到時可先就現成輪機配成大小輪船各一
隻此後機器輪機可令中國匠作學造約計五年限內
可得大輪船十一隻小輪船五隻大輪船一百五十匹
馬力可裝載百萬觔小輪船八十匹馬力可裝載三四
十萬觔均照外洋兵船式樣總計所費不逾三百萬兩
惟採買物料一切有此月需多彼月需少者勢難劃一
應將關稅每月協撥兵餉五萬兩劃提四萬兩歸需局

庫另款存儲以便隨時隨付而前後牽計仍不得踰每月四萬之數以示限制抑區區之愚有不敢不盡者茲局之設所重在學造西洋機器以成輪船俾中國得轉相授受爲永遠之利也非如僱買輪船之徒取濟一時可比其事較僱買爲難其費較僱買爲鉅臣德薄能淺不足爲其難又去閏在卽不能爲其難當此時紕舉盈之際凡費宜惜鉅費尤可惜而顧斷斷於此者竊謂海疆非此兵不能強民不能富僱募僅濟一時之需自造實無窮之利也於是則雖難有所不避雖費有所不辭

然而時需五載銀需二百數十萬兩事屬創舉成否未
可預知幸而學造有成縱局外議論紛紛微臣尚有以
目解設學造未能盡洋技之奇卽解造輪船不能自作
船主曲盡駕駛之法則費此五年之時日二百數十萬
之帑金僅得大小輪船十六號機器一分鉄廠船槽船
廠及各房屋雖所造輪船較尋常購買各色輪船精堅
適用而估計所費多於買價一倍於大局仍少裨益責
以糜帑咎何可辭凡此皆宜預爲綢繆而不能預爲期
必者故此局之定愛臣者多以異時之咎責爲臣慮局

外阻撓爲臣疑即日意格亦言此時局面既更勢難兼顧如欲停止願將已領之銀仍卽繳回臣答以事在必行萬無中止之理但願一一謹守條約盡心經畫其觀厥成如有差謬當自請

朝廷嚴加議處而已察看情形尙可望其有成合將日意格德克碑合紫保約條議清摺合同規約照抄咨呈軍機處總理各國事務衙門存案外謹臚舉船政事宜十條另繕清單恭呈

御覽謹會同兼署閩浙總督臣英桂恭摺具

奏伏乞

皇太后

皇上聖鑒訓示施行謹

奏

同治五年十一月初五日

謹將船政事宜臚列十條繕具清單恭呈

御鑒

一洋員應分正副督監也日意格德克碑各有所長

臣

前摺曾陳及之現絕上海總領事白來尼以日意格通曉官話漢書辦事安詳令德克碑推日意格爲正監督

德克碑爲之副各咨商允洽均無異詞一切事務均責成該兩員承辦

一宜優待藝局生徒以拔人材也藝局之設必學習英法兩國語言文字精研算草乃能依書繪圖深明製造之法並通船主之學堪任駕駛是藝局爲造就人才之地非厚給月廩不能嚴定課程非優予登進則秀良者無由進用此項學成製造駕駛之人爲將來水師將材所自出擬請凡學成船主及能按圖監造者准授水師官職如係文職文生入局學者仍准保舉文職官階用

之水營以昭獎勵庶登進廣而人材自奮矣

一限期程期應分別酌定也輪船一局實專爲習造輪機而設俟鐵廠開設卽爲習造輪機之日故五年之限應以鉄廠開廠之日爲始一面造鉄房屋一面購運鐵廠機器計自法國購運來閩約須十箇月十一箇月不等日意格德克碑兩員回國後一員約五箇月帶船廠洋匠來閩開船廠造船槽一員俟機器等件齊備交鐵廠洋匠管解起程後先趁輪船來閩八九個月可到一定輪機馬力並搭造小輪船也大輪船輪機馬力以

一百五十匹爲準除擬買現成輪機兩副外其餘九副皆開廠自造鐵廠造輪機頗費時日船廠配造成船轉爲迅速恐船廠開曠虛糜辛工因議於大輪船十一隻外另購八十四匹馬力輪機五副其式與外國梗婆子兵船相近乘船廠閒工加造小輪船五隻

一飭洋員與洋匠要約也洋人其事必立合同船局延洋匠至三十餘名之多其中賞罰進退辛工路費非明定規約無以示信已飭日意格等擬定合同規約由法國總領事鈐印畫押令匠洋匠一律遵守

一宜預定獎格以示鼓舞也洋員及師匠人等須優定
獎格庶期盡心教導可有成效現已與日意格等議定
五年限滿教習中國員匠能自按圖監造並能自行駕
駛加獎日意格德克碑銀各二萬四千兩加獎各師匠
等其銀六萬兩計定獎格銀共十萬八千兩如果有成
則日意格德克碑之忠順尤爲昭著應更懇

天恩再加獎勵以示優異

一購運機器等件來閩須籌小費也各項器具物料由
外洋運載來閩非按洋法包紮恐多損壞非交洋行保

險難免疎虞此項包紮保險銀兩已一並議給

一凡需用紋銀之項應准開銷銀水也閩省通行銀色向較江浙廣東爲低番銀到閩無語官民皆不辨花樣但用鐵盤烙印以辨真假行之他省外洋卽減罪色船局支發各欸除在閩境採辦物料無庸補水外其採買洋料等用欸應准將補水銀兩作正開銷

一宜講求採鐵之法也輪機水缸需錢甚多據日意格云中國所產之鐵與外國同但開鑛之時鎔鍊不得法故不合用現擬於所僱師匠中擇一兼明採鐵之人就

煤鐵兼產之處開爐提鍊庶幾省費適用此事須臨時斟酌辦理

一輪船中必需之物官籌備也輪船中應用星宿盤量天尺風雨鏡寒暑鐘羅盤水氣表千里鏡玻璃管以及墊輪機之軟皮即音陳勒索等件現飭日意格等回國探問製造器具價值如所費不過數千金即由日意格等籌購一分並約募工匠一人同來一並教造

船局事件仍必會銜具陳以昭大信片

再日意格德克禰昨次來閩稟稱輪船局一切條約皆

臣核定仍請臣主持此事當即告以業經請

簡總理船政大臣事有專屬自可毋庸與顧且相與處
至以外亦勢難與顧也該洋員仍以爲言竊維洋人素
性多疑驟難鑒曉始事之初須堅其信揣彼疑慮之端
有二不過事虞牽制費虞不繼已耳復告以身雖去關
此事究屬首先倡議事成無可居之功不成則無可道
之罪如有謬誤應加議處業經

奏明在案是未嘗置身事外也至經費每月四萬兩已
指關稅協餉萬無不繼之理如尙慮不繼則閩省尙有

協甘之餉四萬兩可以通融當預爲籌之日諒格等意
始釋然應先陳明此後船局遇有陳奏事件仍沈葆楨
會臣後銜以昭大信可否之處伏惟

聖裁謹

癸同治五年十一月初五日

鐵船槽多用銀兩擬就續撥關稅內提用片

再臣前會同將軍巡撫臣

奏請撥開海關結款銀四十萬兩作輪船局創始經費
摺內聲明購買機器等件及募僱師匠來閩建造鐵廠

船槽船廠中外官員公廨工匠住屋購買地基約共需銀四十三萬兩惟船槽爲船局最要之件日意格等原議建造石船槽臣細加採訪均以難成易圯爲慮茲詢之日意格等據云各照法國新法改用鐵板造成船槽較爲妥速惟必須自法國購運前來價腳大費是以前次仍議就近取石爲槽以期節省臣思石槽既造作需時又虞傾圯自不若改用鐵槽爲一勞永逸之計計買現成大鐵船槽一具法國運載來關需多用銀三萬餘兩除已

奏撥閩關結欸銀四十萬兩外尙不敷銀七萬餘兩應
在本年十二月起閩海關每月續撥銀五萬兩內提用
以濟要需此項本係盡充輪船局每月經費現在議定
每月約以四萬兩爲準計可月存銀一萬兩且目前未
卽開廠以之移濟創始經費本屬一事更毋庸另籌挹
注至買用馬尾山下民田二百餘畝作爲局廠地基其
畝分契價細冊應由督臣會同總理船政臣沈葆楨另
行專案

奏咨辦理合併聲明謹附片具陳伏乞

聖鑒謹

奏 同治五年十一月初五日

附陳胡道往來照料聽候差遣片

再工程必期核實度支尤戒虛糜而輪船局事屬創行將來限滿果能習成與否雖據日意格德克碑一力擔承臣亦不敢遽謂確有把握但覺事不可已惟當擇人而任盡力以圖耳其中支銷欸目並無例案可據公家之事往往縛於文法招於物議故敢任此事者絕少其人卽如道員胡光墉素敢任事不避嫌怨從前在浙歷

辦軍糧軍火實爲緩急可恃咸豐十一年冬杭城垂陷
胡光墉航海運糧兼備子藥力圖援應再至錢塘江爲
重圍所阻心力俱瘁至今言之猶有遺憾臣入浙以後
委任益專卒得其力實屬深明大義不可多得之員惟
切直太過每招人忌臣茲於輪船局務

奏請將一切工料及延洋匠僱華工開藝局責成該員
一手經理實爲局務需才起見昨據胡光墉具稟固辭
願隨同署福建布政使司現護巡撫臣周開錫辦理局
務聽候總理船政差遣凡其所舉之人出具保狀經手

之項出具領狀惟該員是問至一切局務及支銷款目實以臣軍上海採辦轉運諸務奉委督辦必須兼顧未能常川在閩一手經理懇請陳明等語蓋以非常之舉易滋疑議不欲一身爲眾射之的也臣稔知其任事之誠招忌之故與其過重責成轉使畏難於今日不若稍寬責任仍收臂助於方來且臣軍援辦轉運局務亦需該員經理不得不免如所請准其往來照料聽候總理船政差遣總之此局非尋常工程可比卽

朝廷不預存綜覈之見在事者已不免有意外之虞惟

有仰懇

天恩曲蒙

鑒察庶幾率作興事敏則有功倘臣所舉非人致有貽
悞仍請將臣交部嚴加議處謹附片具

奏伏乞

聖鑒諄

奏同治五年十一月初五日

咨送有裨船政官紳交船政大臣差遣片

再臣所知閩浙官紳中有裨船政之員亟宜咨送沈葆

積差遣如鹽運使銜廣東補用道葉文瀾好善急公熟習洋務遇有委辦事件均能妥實經理爲人敦樸可恃候選同知黃維燾迭次委赴香港廈門上海甯波及福州羅星塔等處測量沙水訪察洋務並隨同胡光墉與口意格德克碑議擬章程均能不辭勞瘁該員係丁憂在籍人員輪船局甫經議設人才最少與尋常局務不同應請

旨准其留閩差委以裨要工又五品軍功員錦泉向在浙江管帶捕盜緝私各輪船熟習直隸山東江蘇閩浙

各洋面情形堪充輪船船主閩省新買輪船一隻取名
華福寶昨由上海展輪來閩卽係貝錦泉管駕來閩此
船應令貝錦泉管帶隸水師提臣李成謀統轄爲巡洋
捕盜之用並令貝錦泉多募甯波少年在船習練駕駛
庶將來成一輪船卽有駕駛一輪船之人無須外僱迨
至輪船成局中船主之學亦成人才固不可勝用也該
軍功機實勇敢熟習洋務應請

旨破格錄用以都司留於福建水師儘先卽補並

賞加遊擊銜以獎倡導之人又福建補用布政司經歷

徐文淵涉臘西洋圖書頗有巧思現仿製洋礮百餘尊
亦均合用應一併送交沈葆楨差遣至士紳商民中可
用之才應由沈葆楨隨時蒐訪札調人員差遣謹附具
奏伏乞

聖鑒施行謹

奏同治五年十一月初五日

謹將擬定藝局章程繕列清單恭呈

御覽

一各子弟到局學習後每逢端午中秋給假三日度歲

時於封印日回家開印日到局中遇外國禮拜日亦不給假每日晨起夜眠聽教習洋員訓課不准在外嬉遊致荒學業不准侮慢教師欺凌同學

一各子弟到局後飯食及患病醫藥之費均由局中給發患病較重者監督驗其病果沉重送回本家調理病痊後卽行銷假

一各子弟飯食旣由藝局供給仍每名月給銀四兩俾贍其家以昭體恤

一開藝局之日起每三箇月考試一次由教習洋員分

別等第其學有進境考列一等者賞洋銀十元二等者無賞無罰三等者記情一次兩次連考三等者戒責三次連考三等者斥出其三次連考一等者於獎賞外另行賞給衣料以示鼓舞

一子弟入局肄習總以五年爲限於入局時取具其父兄及本人甘結限內不准告請長假不得改習舊業以取專精

一藝局內宜揀派明幹正紳常川住局稽察師徒勤惰亦便剴學藝事以廣見聞其委紳等應由總理船政大

臣遴選給委

一各子弟學成後准以水師員弁擢用惟學習監工船主等事非資性穎敏人不能其有由文職文生入局者亦未便概保武職應准照軍功人員例議獎

一各子弟之學成監造者學成船主者即合作監工作船主每月薪水照外國監工船主辛工銀數發給仍特加優擢以獎異能

恭報西征起程日期摺

奏爲恭報微臣起程日期仰祈

聖鑒事竊臣欽奉同治五年十一月初二日

寄諭前因閩省設廠製造輪船事關緊要特經諭令吳
棠接辦復經諭令左宗棠將輪船事務辦育端倪交英
杜吳棠沈葆楨等經理茲據左宗棠奏請派重臣總理
船政接管局務一摺該督以輪船事在必行不以去閩
在邇遽行擱置實屬沈毅有爲能見其大著遵奉前旨
將設局造船事宜辦有眉目再行交卸起程沈葆楨辦

事素來認真人亦公正廉明現雖守制家居惟事關船政大局必須經理得人該前撫務當遵奉前旨出而任事不可稍行諉卸所有船政事務卽著該前撫總司其事並准其專摺奏事先刻木質關防印用以昭信守一俟局務辦成再行奏請部頒關防一切應辦事宜並需用經費均著英桂吳棠徐宗幹妥爲經理臨時與沈葆楨會商不可稍有延誤道員胡光墉卽著交沈葆楨差遣等因欽此欽遵恭錄咨行外臣自十月十七日交卸督鹽兩篆十九日入營本擬二十七日起程已據總兵

劉端冕副將徐連勝等於廿二廿四等日拔隊先行矣
而洋員於二十三日甫到船政事務尙須籌商奉
溫諭令緩起程仰見

聖謨廣運

訓示周詳莫名欽感茲將船局事務趕緊籌商已有眉
目十一月初一日欽奉

諭旨船政交沈葆楨總理尤深幸慰惟念西陲軍事孔
亟亟奉

命西征已踰五十餘日未敢再事耽延除將船政事宜

恭摺馳陳外臣卽於初十日起程由江西湖北取道河
南北上

陛見謹具摺馳

奏伏乞

皇太后

皇上聖鑒謹

奏同治五年十二月十五日

附陳劉幫辦親喪服闋片

再世職雲騎尉幫辦軍務二品頂戴布政使銜阿爾剛

阿巴圖魯

簡署甘肅按察使劉典於同治二年九月十八日在浙江臬司任內剿賊皖南聞計丁親父憂奉

旨改爲署任十月軍務稍定遵

旨回籍奔喪三年四月葬親事畢遵

旨赴浙仍領舊部中途助剿江西之賊奉

旨幫辦江皖軍務江西肅清奉

旨開浙江臬司署缺以二品頂戴幫辦福建軍務四年

五月聞境肅清賊乘虛竄入粵邊又會

臣剿賊粵東四

年十二月巨逆盪平劉典父喪服闋矣計自同治二年九月十八日聞計起不計閏扣至同治四年十二月十八日已屆二十七個月服闋之期劉典在軍仍穿用素服稟請回籍守制臣以該員回籍居喪已踰百日無補行守制之例於上年十二月在嘉應州松口營中據咨附奏代報服闋在案其湖南本籍曾否題報則無由知也茲承垂詢謹據實陳明伏乞

聖鑒施行謹

奏

同治五年十一月初五日

覆陳業經交卸閩浙督篆情形片

臣於十月三十日准護理福建巡撫臣周開錫咨呈
十月二十九日兵部火票遞到

批回諭旨英桂徐宗幹奏閩省紳民懇留督臣暫緩西
行一摺英桂現尚未接印著左宗棠暫緩交卸督篆尅
日催督工匠上緊製造公定章程與英桂沈葆楨會商
辦理前已有旨授劉典甘肅臬司著該督臣即行檄催劉
典先行赴任並將兵將酌撥數營交劉典管帶迅速入
省該督侯吳棠到任後再行交卸來京等因欽此臣竊

已於十月十七日交卸督鹽兩篆十九日出駐城外營盤英桂於十七日兼署閩浙總督均經奏報英桂接奉此次

諭旨後面商交還篆務以前奉

恩旨調督陝甘其閩浙總督篆務應卽送交英桂兼署祇因自粵還閩後亟圖竭力整理吏治軍政稍盡愚忱甫經半載紀綱粗立一旦舍之遽去竊慮後此頭緒莽如難以尋繹又輪船一局正當將定未定之時不敢置身事外而德克碑日意格又未能卽來定議不得不稍

留待之故當奉到

新命時自限四十日料理諸務始可交卸也迨十月十七日交篆後二十三日日意格德克碑始來連日往復商確至十一月初三日輪船局務俱有眉目適先日奉到

諭旨沈葆楨總理船政接辦有人私衷稍慰而督監兩篆有英桂兼署經理裕如撫臣徐宗幹遺缺英桂已檄周開錫護理必無貽悞微臣既無復接篆務之理亦可不俟吳棠之至矣惟士民聞臣將有萬里之行不禁依

懇此則令臣有不能忍然勉爲數日之淹一盡綢繆之
誼沿途當趨程行走以速補遲耳至劉典自回籍後音
問稍稀臣前緘商糾集舊部三千漢口會隊尙未接其
覆信其進止機宜則必俟到陝後始可決也謹據實附
片覆陳伏乞

聖鑒訓示謹

奏

同治五年十一月初五日

請撥西征的餉以撙危局捐

奏爲請撥西征的餉以撙危局恭摺馳陳仰祈

聖鑒事竊惟陝甘兵事之難以糧餉之不繼轉運之維艱也督撫臣屢疏號呼迫切諒已早達

宸聰臣茲奉

命徂征自忖才力無以踰楊岳斌劉蓉而先事圖維有較楊岳斌劉蓉需費爲多者如籌辦行糧招集舊部採購軍火製備軍裝各事臣於閩浙總督任內略有籌畫然竊計西征大局非增練馬隊請求車營別無勝算欲

練馬隊必先上口買馬募士著練之欲開車營必先製造輪車安置礮械火器挑騾馬練之卽此兩事需費已不貲矣自古邊塞用兵非興屯不可蓋人之糧糗馬之草料非儲峙豐盈不敢趣戰而西北地多斥鹵物產非饒一經兵燹所有水草豐衍可田可牧之地多遭蹂躪採購則荒涼滿目和糴無從轉搬則道路阻長勞費滋甚勢不得不擇地興屯以資軍食散地招集難民衝要分駐丁壯則籌給口食有費籌給籽種有費籌給農器牲畜有費他如民屯團焦兵屯窩舖在在皆須經理其

須由官籌給事前所需雖極繁鉅然較之採買轉輸之費通計實爲節省屯政果興軍無懸釜之憂民有重蘇之望以逸待勞以飽制餓其於兵事尤爲利便漢趙充國之制先零罕開前效可觀也陝西腹地但宜開墾而自隴西達甘肅各郡則非大興屯政不可回患未除之先固難同時並舉而大兵屯駐之所必當擇要先圖此項鉅費將安出乎他如兩省制兵額餉積欠數年甘省兵勇百餘營宜分別留撤一切經費均非可以空言敷衍又能不預爲籌策乎頻年部撥甘省協餉按月解到

者幾何部臣不難按籍而稽若不顧怨

天恩准撥的餉則入關而西饑潰譁謀實在意中臣之
一身固不足惜恐西事決裂益甚不可爲也除閩省協
濟甘餉卽係向供臣軍之餉無庸另籌業經

奏撥銀每月四萬兩其海關協撥兵餉一欸已儘數留
濟輪船經費浙江新造之區臣前以海塘工程浩大請
將月協閩餉銀十四萬兩截至上年十月停止此時自
未敢再爲悉索之舉查從前曾國藩奏停楊岳斌西征
軍餉時自定江蘇每月協甘餉銀三萬兩派浙江每月

協甘餉銀二萬兩浙江報解最勤馬新貽更請每月增
解銀三萬兩合共每月五萬兩聞江蘇則報解甚稀嗣
浙江又議解曾國藩馬隊協餉每月銀一萬兩此項浙
江協解江南之餉應卽剏抵江蘇月協甘餉銀一萬兩
於事理方爲允協廣東自撫臣蔣益澧到任後百廢具
興裁革陋規剔除弊政大得民和臣昨馳函往商准蔣
益澧覆稱商之督臣瑞麟暨各司道府無不以西北大
局攸關不忍膜視必當其籌協撥以濟時艱臣深感之
應於廣東前已定撥甘餉銀一萬兩外再行設法籌解

銀二萬兩又廣東浙江本各議其濟輪船局經費下擬
兩省每月各派銀一萬兩現經

奏明輪船經費悉由閩海關協濟浙兵餉項下就近撥
解可期無悞其廣東浙江擬濟輪船經費每月各一萬
兩應併劃解臣陝甘後路糧臺作協甘月餉計每月共
擬撥福建協餉銀四萬兩浙江協餉銀七萬兩廣東協
餉銀四萬兩應請

旨敕部照准撥濟並

敕下廣東督撫臣閩浙督撫臣飭司按月源源解濟以

應急需其江海關每月應濟甘餉並懇

敕下兩江督臣江蘇撫臣飭該監督按月解濟按季據
實奏咨毋徒空言諉謝其江西湖北等省奉部撥濟甘
餉銀兩臣道出江西湖北河南時面商各督撫臣每月
實可協銀若干再行

奏明辦理其江蘇湖南四川山東各省部撥甘餉俟臣
到陝後咨商該省督撫臣定有確數再行

奏撥總之籌兵籌餉要歸核實爲各省計與其空言塞
責致悞要需不若量力通籌可期實濟爲陝甘計與

奏集零星鮮裨大局不如一氣貫注戡事可期臣爲西
北大局起見謹據實直陳再此摺係借用閩浙總督關
防拜發合併聲明伏乞

皇太后

皇上聖鑒訓示施行謹

奏同治五年十一月一日

在浙迭保各員陳請仍照原單給獎摺

奏爲徵臣在浙迭次保獎各員請

旨敕部仍照原單給獎註冊以明激勵而免掣肘恭摺
具

奏仰祈

聖鑒事竊臣前准部咨以克復遂安援剿江山肅清衢
郡及克復嚴州金華等城援皖援江克復杭州餘杭等
城各案保獎應行駁正奏奉

諭旨依議欽此又准部咨以克復湖州等城及浙軍援

江克復崇石等城兩案保獎應行駁正奏奉

諭旨依議欽此欽遵行知到臣部臣精心綜覈爲慎重名器起見臣何敢再三續請惟其中勞績實難掩抑雖所保間與定章未符然有未可概論者有事後未能徧查者有暫時不必刻覈者不得不爲我

皇上陳之部議軍務省分人員不准保留他省此指有軍務省分人員保留無軍務省分而言原爲杜規避起見若同爲軍務省分而所留之省軍務更亟於原省何所用其規避部議非攻克城池擒斬要逆不准保免補

免選及留省候補班次夫攻克城池擒斬要逆均非一二人事也攻克城垣在事人員必多但覈其尤爲出力者給予優獎不必皆首先登城也若人人考語註攻克堅城轉圜失實矣每次擒斬巨逆首先出力者不過數人究之戰事之所以得勝巨逆之所以伏誅不僅此數人之力若專錄數人士心必多不服若人人考語皆註擒斬巨逆又覺失實矣且有陣斃巨逆當時不知何人首功事後亦無從確指者卽如嘉應塔子嶺之役陣斃汪海洋其時鼓聲殷天礮聲震地但見賊中自亂以旂

裹屍搶鼻而走何能定爲誰某首功又如白霓橋之役
追軍殪斃黃文金維時各營爭論不決湖州之復後詭
生賊亦僅指白旗紅邊官軍在前而已何能指其人以
實之乎上意賊衆多至二十餘萬必不能一鼓殲除故
布置諸軍於皖南浙西及江西邊界連亘數百里爲節
節截勦之計當時與將士約截勦竄賊功與克復城池
同並將奏稿先期宣示以鼓其氣將士聞知踴躍異常
節次截擊殺賊無算解撫無算計自皖而浙而江西追
奔逐北千有餘里敗殘之衆擁僞幼逆逸出者實不過

數千厥後爲江西所滅是則追剿竄賊之功高出攻克城池之上也此又未可概論者也部議於隨營差遣各員必查其到營日期及所辦何事臣部各軍隨臣入浙入閩入粵閱時既久各員或因凱撤回籍或以事故離營不特遂安嚴州金華援皖援江各案內人員事隔五六年難於察悉卽杭州湖州兩案江西崇仁等城一案所保各員亦多已撤營旂無從稽核行陳之間地險時危將士勞苦轉戰功固宜酬其差遣各員隨同移營進剿枕戈待旦露宿風餐其隨隊接仗陣亡與被匪戕害

者尙得附案請

卹其因勞苦致疾感疫受病物故者則雖保案有名卒未得與職官比念其饑驅溷跡不獲死所情亦可哀部臣但見其得官之易思痛加裁抑而不知其艱難險阻之狀實有較捐納出身及各項議敘得官之員爲尤甚者自營官統領所轄兵勇人數多寡雖有不同而管冊籍管文案管支應管軍裝以及採辦轉運各項差遣斷不能不用文員當事勢艱危之際往往求戰士易求文工難若必得文武兼資之才而後錄用古今曾有幾人

各路統領營官之廣爲招延原非得已今事後雖將保案議駁何以鼓趨事赴功之心此則難以徧查不審刻覈者也臣於九月初六日奉

旨調補陝甘總督各軍將佐皆踴躍請從十一日接准部咨克復湖州等城及浙軍援江克復崇仁等城兩案保獎文員議駁殆盡除臣軍僚佐仍各願從西征外其餘檄調隨征各營出力文員均懷歸志各營官紛紛面稟營中辦事無人請由臣營派員經理臣亦無以應之伏思前奉

寄諭從前南省勇丁以甘肅地方瘠苦多不願往此時
若將調赴甘省勇丁酌增餉銀若干或再將員弁勇丁
之從征西路者變通章程從優保舉當可勇於從事益加
奮勉欽此臣愚以爲保舉不必再優但使部議稍從寬
恤則人心益奮軍事無虞掣肘如蒙

聖明洞鑒更

飭部臣將准駁章程悉心酌議務從懋大庶功疑惟重
符古義而助人心於時局不爲無補所有克復浙江湖
州等城江西崇仁等城兩案駁正各員除李壽榛續經

部准桑春榮在部呈明張樹葵吳作梁謝鯤化沈應奎等四員已另案覆

奏李華穠緣事叅革張鍾業經病故徐峻原趙承恩李承斌何日忠段永建等五員應照部議辦理彭振杰張潤培董寶穀傳起煬鄭由熙俞紹增麥秉良許肇元樊鐸麥飭鑾陸棋等十一員應俟江西奉部駁正之案由江西撫臣咨復後再行核辦外其餘出力各員謹分別開列請單並同克復嚴州杭州遂安金湯龍蘭各郡縣城及援皖援江出力保獎奉部議駁各員一併開單恭

呈

御覽伏乞

天恩敕部統准查照原保續保各官階註冊給獎以昭
激勸不勝感幸之至謹附驛陳

奏伏乞

皇太后

皇上聖鑒訓示施行謹

奏
同治五年十一月 日